



En dumënia, ai 07.12.2014 complësc **Erna Masiero Nagler** da Pedraces **88** agn. L'Seniorenclub y düta la Comunità ti aoda dü't l'bun, sanité y benedisciun de Dî.



San Micurà: ai 5 y ai 6 de dezëmbër saral indô San Micurà che roda te païsc, organisé dai jogn de Badia. Por prenotè telefonè al nr. 331/2685721 (Silvia Valentin).

Conzert de chitara tlassica cun Walter Zanetti y Andreas Unterholzner: düc é invià chësta dumënia, ai 30.11.2014 dales 20:00 te Ciasa Runcher a chësc conzert.

Marcé da Nadè tl Salf Laûr Protezionè a Pidrô: al vëgn tigni chësta dumënia, prûma de Advënt ai 30.11.2014 dales 10:00 ales 17:00.

Festa de Advënt dl KVW por vëdui, vëdues y porsones sores: en sabeda, ai 13 de dezëmbër 2014, dales 14:00 tla Mensa dl KVW da Bornech. Prenotaziuns cina ai 11 de dezëmbër 2014.

La Uniun dles Patrones dl Comun da S. Martin de Tor organisëia n curs da fà ornamënc cun fëgn por Nadè cun Maria Zingerle tl salf di stüdafüch a S. Martin de Tor ai 02.12.2014 dales 13.30 ales 16.30. Se prenotè pro Loise al nr. 0474/590026. Düc é dër invià.

Le Zënter Families Ergobando inviëia en mercui 3 de dezëmbër dales 10.00 da gnì tl local Ergobando, olache al gnarà baié dl tema "Le pröm tëmp a ciasa cun le viadù". Informaziuns pro Fiorella al nr. [339/6950036](tel:3396950036).

Prejentaziun CD de Enzo Obwegs: ai 30.11.2014 a La Ila – Picenin, ai 02.12.2014 a Badia – Luch da Sompunt y les edemes do te atri païsc, dagnora dales 20:00. Ma cun prenotaziun al nr. 340/6217436.



福若瑟
VAL BADIA




Usc dla Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 01

Edema: 30.11. - 07.12.2014



ADVENT

*Bereit sein
Licht sein
Liebe sein*

Scomënciamënt dl ann liturgich „B“

Vangele dla Dumënia che vëgn - 2° d' Advënt - „B“ (Mc. 1,1-8)

Scomënciamënt dl vagnele de Gejù Crist, dl Fi de Dî: Al à metü man, sciöch'al sta scrit pro le profet Isaia: I te mëni mi anunziadù danfora; al dess te daurì le tru. Na usc scraia tl desert: Arjignedi al Signur le tru! Avaliedi les strades! Insciö è lovè sö Jan Batista tl desert y pordicà la converjiun y le bato por le pordonn di picia.

Döta la ludea y düc i abitané de Ierusalem jô fora da d'ël; ai confessà sü picia y se lascià batié da d'ël tl lórdann. Jan à indos n guant de polan de camel y n ciol de coran incër sü üfs, y al viò de saioc y de mil salvaria. Al incundâ: Do më nen vëgnel un che é plü gaiert co iö; iö ne sun nia dëgn de me cufé por ti desciolè i cialzà. Iö ves à batié cun ega, mo èl ves batiarà cun Spirit Sant.

FUNZIUNS SACRES

30.11. I. DUMËNIA de ADVËNT / Ann B

19.30 RORATE por l'KVW y familiars (sona i Turmbläser)

por i benefactors dla Cùra
†ta Maria Rungg – aniversar
†ti de Carolina Pizzinini Pitscheider



01.12. Lùnesc - S.Natalia

07.30 Les Laudes

02.12. Mertesc

19.30 RORATE por operadus tl turism (sona la scora de musiga)

†ta Marianna Vittur - aniversar
†ta Maria Vittur Profanter
por fam. Laurènz y Hannele Irsara

03.12. Mercui - S.Francèsch Xaver

07.30 RORATE cun i scolars – **por la vita**

†tes sorus Maria y Nane Valentin - aniversar
por n defunt / por les animes dl Purgatore

04.12. Jöbia - S.Barbara

19.30 RORATE por Consèi de Cùra y colauradus (cor de dlijia)

†ta Emilia Deval / †ti Schanung / ad intenziun

05.12. Vëndres – Prüm vëndres dl mëis

19.30 RORATE por artisç y grup teater (cianta l'grup Pinzimonio)

†ti Gustin, Anna, Lena, Rosina Pescoll a S.Ujöp da Oies
†ti Giovanni y Rosa Thaler
Vis y †ti de Emma Valentin Burchia

06.12. Sabeda - S.Micurà

16.00 Mëssa a Oies

19.30 RORATE p. la Uniun Paur y familiars (sona i Turmbläser)

†to Milio Valentini de Col d'Anvi - aniver.
†ti Paul y Tarina Irsara de Jusciara
†ti Herbert y Oskar Costa



07.12. II. DUMËNIA de ADVËNT / Ann B

10.00 Mëssa por la Comunità

19.30 RORATE p. l'Aministrasiun de Comun (cianta l' cor Philia)

†to Pepele Nagler - aniversar y †to Carlo Vittur
†to Fedele Tasser
ad intenziun de Veneranda Ferdigg

Dala VITA dla CÜRA

ADVËNT



L'Advënt é n tēmp de preparaziun al Nadè. I tignarun na liturgia penitenziala la jöbia, ai 18.12.2014 y dun l'ocajiuun por les confesciuns de vëndres, sabeda y dumënia.

Chësta dumënia, ai 30.11.2014 dales 14:00 é te Ciasa Runcher na picera funziun dles families y dales 19:00 sonarà les ciampanes por invié duc ala oraziun de Advënt te familia.

Ciaredo do i orars di Rorate y dles Laudes che ne é nia vigni dé anfat.

Conzert d'advënt cun l'Cor dles ëles Kèrygma, l' Cor di ëi Armentara da La Val y l'Terzett Syntonia en dumënia ai 07.12.2014 dales 17.00 tla dlijia de Badia. Duc é dër bel invià!

Comuniun ai amarà: ala ti vëgn portada en vëndres, prüm dl mëis, dales 09:30 inant.

La curtina

Chëst'edema s'à abiné le Comitè por la gestiun dla curtina. Al é gnü rajonè de chisc argomènc:

- al vëgn inviè ia les pratiches por arjigné "loculi" por mèt ite les urnes cun le cènder de porsones che tol la dezijiun de se lascè burjé.
- sciöche duc sa, é bele dan tröc agn gnü deleghé Nando da Coz da fà le surapost adüm cun i familiars canche al va debujëgn da tó la dezijiun, olache al dess gni ciavè la fossa por sopolì n parènt. La Ploania y le Comun reconësc la gran importanza de chësc sorvij y präia la popolaziun da colaborè y dè prò, cun spirit de altruism, de tó demez crusc de parènc sopolis dan tröc agn, por lascè lerch ad atri nösc compaejagn passà a miù vita.
- Al vëgn inçe chësc ann inviè da tó demez les crusc che podess gni rovinades dala lovina che vëgn jö de tèt.

Siur Degan